

## **REPRODUKTIV SALOMATLIK.**

### **Soliyeva Dildora Nizomiddin qizi**

Farg'ona viloyati Beshariq tumani Beshariq Abu Ali ibn Sino nomidagi  
jamoat salomatligi tibbiyot texnikumi o'qituvchisi

**Anatatsiya:** Aholi orasida reproduktiv salomatlik haqidagi  
tushunchalarini oshirish.

**Kalit so'zlar:** Reproduktiv salomatlik, ekstragenital kasalliklar, skrining  
tekshiruvi.

Reproduktiv salomatlik – insonning surriyod qoldirishi bilan bog'liq  
bo'lgan aqliy, jismoniy va ijtimoiy yetukligidir.

Reproduktiv salomatlik bu Birlashgan Millatlar Tashkiloti (BMT)ning -  
ta'riflashichainson urchish tizimi va funksiyasi bilan bog'liq bo'lgan barcha  
masalalarda nafaqat uning qandaydir kasallik yoki xastalikka chalinganligi,  
balki jismonan, aqlan hamda ijtimoiy jihatdan ham sog'-salomat bo'lishi  
tushuniladi. Reproduktiv salomatlik bu – istalmagan homiladorlikdan  
saqlanish, homiladorlik davrida tibbiy nazoratda bo'lish, tug'gandan keyin  
ona va bola parvarishi bilan bog'liq bo'lgan xizmatlardan yetarli darajada  
foydalanish va maslahat olish demakdir.

Reproduktiv salomatlik yuzasidan tuzilgan dasturlar va ularni amalga  
oshirilishidan asosiy maqsad – sog'lom oilani shakllantirish, onalar, bolalar  
o'limini va nogironlikni oldini olish, jinsiy aloqa yo'li orqali o'tadigan kasalliklar  
(OITS)ni oldini olish va davolash yuzasidan ma'lumotlar berishdan iboratdir.  
Reproduktiv salomatlikka doir bilim berish va xizmat ko'rsatish nafaqat onalar  
va bolalar sog'lig'ini yaxshilaydi, balki, oila va jamiyatda alohida qulayliklar  
yaratadi. Jumladan, kontraseptiv vositalardan foydalanish erkaklar va  
ayollarga farzand ko'rish va tug'ish oralig'idagi muddatni hal qilish imkonini  
beradi. Reproduktiv salomatlikni saqlashda homilador ayollarga xizmat  
ko'rsatish, maslahat berish, sanitariya-maorif ishlarini olib borish masalalari  
ko'zda tutilgan. Xotin-qizlar sog'lig'ini saqlashning asosiy rezervi oilani  
rejalashtirishdir.

Oilani rejalashtirish homiladorlikni chegaralash degani emas, oilada  
nechta farzand bo'lishini ota-onan belgilaydi. Onalarning sog'lig'ini tiklash –  
nosog'lom bolalar tug'ilishi- ning oldini olish, oila tashvishini kamaytirish  
demakdir. Oilani rejalashtirish – bu er-xotin va har bir mustaqil shaxsning erkin  
va mas'uliyat hissi bilan bola tug'ish vaqt, uning soni haqida ma'lumotga va  
mablag'ga ega bo'lish masalalarini ongli ravishda hal qilishidir. Bu borada

onalar va bolalar o'limi hamda abortni kamaytirish, aholini sog'lomlashtirish, sog'lom avlodni dunyoga keltirish kabi tibbiy islohotlarga katta ahamiyat berilmoqda.

O'zbekiston Respublikasi SSVning 1999-yil 4-maydagi 296-sonli Buyrug'i asosida reproduktiv yoshdagи ayollarni sog'lomlashtirish va oilani oqilona rejalashtirish uchun Respublika o'quv-uslubiy markazi tashkil etildi va nizomi tasdiqlandi. Uning asosiy maqsadi statistik ma'lumotlar bo'yicha tug'ish yoshidagi ayollarda 65–70 %, homilador ayollarda esa 75–80 % turli xil ekstragenital kasalliklar uchrashi, bu kasalliklar natijasida homiladorlik va tug'uruq jarayonining asoratlari o'tishi, o'z navbatida, tug'ilayotgan go'daklarning turli kasalliklar bilan dunyoga kelishi, ayollarning tug'uruq asoratlari oqibatida nogiron bo'lib qolishining oldini olishdir. Ayollarning - fiziologik imkoniyatlari,tug'ilajak farzandlar orasidagi davr va shu kabilar oilani rejalashtirish muammolarining tarkibiy qismidir. Shu o'rinda qizlarimizning balog'at yoshini hisobga olish masalasi ham muhim o'rin tutadi. Garchi qoida doirasida qizlarning balog'at yoshi 17 yosh deb belgilangan bo'lsa-da tibbiy (fiziologik) jihatdan qizlar 20 yoshda to'la yetilib turmush qurish va farzand ko'rishga tayyor bo'ladilar. Ko'p yillik ilmiy-tibbiy izlanishlar shuni ko'rsatadiki, ayol kishining tug'uruq yoshi 20–35 yoshgacha b o'lishi har jihatdan maqsadga muvofiqdir.Aynan shu yosh oralig'ida farzand ko'rgan ayollar o'zları bilan farzandlari ham sog'lom, baquvvat bo'lishlariga erishadilar.

Shularni inobatga olib, oilani rejalashtirishning 5 ta asosiy tamoyili ishlab chiqilgan:

1. 18 yoshga qadar homilador bo'lishga yo'l qo'ymaslik.
2. 35 yoshdan keyin tug'maslik.
3. Iloji bo'lsa har 3 yilda yoki 2 yildan kam bo'Imagan muddatda tug'ish.
4. Oilada farzandlar soni 3 nafardan oshmasligi.
5. Og'ir ekstragenital kasalliklar bilan xastalangan ayollarda tug'uruqni cheklash.

Agar ushbu tamoyillarga amal qilinsa, jamiyatda sog'lom avlod dunyoga keladi. Oila mustahkam bo'lishi, nogiron bolalar tug'ilishining oldini olish maqsadida, oila qurayotgan yigit-qizlar nikohdan oldin tibbiy ko'rikdan o'tishlari kerak. Ushbu tartib Oila kodeksida ko'rsatilgan bo'lib, Vazirlar Mahkamasining 365-sonli qarori bilan qat'iy belgilab qo'yilgan. Yigit-qizlar nikohdan oldin tibbiy ko'rikdan o'tib, o'zlarini oila qurishga ruhiy, jismoniy tayyorligini aniqlab olishlari kerak. Bu tartib tufayli nosog'lom bo'lgan yoshlarning turmush qurib, keyin ajralib ketishlari yoki nogiron farzandlar tug'ilishining oldi olinadi.

O'zbekiston Respublikasi Vazirlar Mahkamasining 2005- yil 5-iyuldagagi 242-sonli qarori „**Oilada tibbiy ma'naviyatni oshirish, ayollar sog'lig'ini mustahkamlash, sog'lom avlod tug'ilishi va uni tarbiyalashning ustuvor yo'nalishlarini amalga oshirish chora-tadbirlari to'g'risida**“ bo'lib, bu qaror 5 yo'nalishda olib boriladi:

1. Aholi reproduktiv salomatligini muhofaza qilish:
  - a) tug'ish yoshidagi xotin-qizlarni profilaktik tibbiy ko'rikdan o'tkazish;
  - b) o'smir qizlarni tibbiy ko'rikdan o'tkazish, ya'ni bolalar ginekologiyasini rivojlantirish;
  - c) homilador ayollarni ekstragenital kasalliklar bo'limida to'liq davolash, tug'uruqni asoratsiz kechishini ta'minlash.
2. Yangi quriladigan oilalarni nikohgacha tibbiy ko'rikdan o'tkazish.
3. Ko'krak suti bilan oziglantirish.
4. Mutlaq tug'ish mumkin bo'Imagan ayollarni 100 % kontraseptiv qamrovga olish.

5. „Ona va bola“ skriningi o'tkazish, ya'ni chaqaloqlar va homilador ayollardagi tug'ma va avloddan avlodga o'tuvchi patologiyani erta aniqlash. Shuni alohida ta'kidlash lozimki, sog'lom avlodni shakllantirishda, Respublika tashxis markazi va uning barcha hududiy bo'limlarida faoliyat ko'rsatayotgan shifokorlar ham o'z hududlarida sog'liqni saqlash bo'limlari mutaxassislari bilan uzviy hamkorlikda aholi o'rtaida oilani rejalashtirish mohiyatini yanada kengroq targibot qilishda, ota-onalar o'rtaida shu mavzuda suhbatlar, ma'ruzalar, savol-javoblar uyushtirishda faoliyk ko'rsatishlari lozim. Zero, maqsadimiz kelajagi buyuk davlat barpo etish ekan, bunday davlatni sog'lom, barkamol yoshlarsiz tasavvur etish mumkin emasligini bir daqiqa ham unutmasligimiz, bu ishga har birimiz baholi qudrat o'z hissamizni qo'shmoq'imiz kerak.

### **FOYDALANILGAN ADABIYOTLAR:**

1. H. I. Shukurov, S. Q. Qanoatov "Jamoada hamshiralik ishi "Toshkent «iqtisod-moliya» 2016.
2. Y.N.Alliyorov, D.Q.Tosheva "Onalikda hamshiralik parvarishi" Toshkent "Voris-Nashriyot" 2012